

آبونه شرائطی : هریر
ایچون سنه لکی (۲۷۵)
آلتی آیانی (۱۵۰)

نسخه سی ۵ غروشد .
ایکی نسخه برآراده
(۱۰) غروشد
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطرات
آبونه بدلی پشیندر .

مسئله موافق آثار مع الممنونیه
قبول اولنور . درج ایدله بن
یازیلر اعاده اولنماز .

کتابخانه

۱۳۳۰

آدرس تبدیلنده آیریجه
۵ غروش کوندرملیدر .

مکتوبلرک امضالری واضح
واوقوناقلی اولسی و آبونه
صره نومروسی محتوی
بولونمسی لازمدر

ممالک اجنبیه ایچون آبونه
اولانلرک آدرس لرینک
فرانسه زجه یازلمسی رجا اولنور .

یاره کوندردلیکی زمان نهیه
داثر اولدینی بیلدیرلمسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

بر شکل حکومت آنجی ، اجرای فعل و حرکت و تحفظ و بقا اساسی
افرادك فضائنده بولدی صورتده پایدار و ممتد اوله بیلیر .
بوجهلری دیگر جملہ تعقیب ایدیور و دیورکه : « بر مملکتده اداری
بر انقلاب و تبدل وجوده کتیرمک بر فائدهی موجب اولماز . اصل فائده ،
اوراده کی خلقده تبدل و انقلاب پیدا ایتکدر . » وینه دیورکه : « بر کیمسه نك
حال و حرکتی ، ایچنده یاشادیجی اجتماعی محیطك فکرلرینه ، حسلرینه ، باطل
اعتقادلرینه ، احتراصلرینه باغلیدر . »

شمی بز انتخابات دورهنده یز . ظن ایدیورمه بوجهلرک مناومهمولری
منتخبلری دوشوندر . منتخبلر ایچون وظیفه اودرکه ، مؤلفك دیدیکی وجهایله ،
الارینه آلدولری اقتداری ، او اقتداری استعمالده کی منفعتی ، ذمتلرینه دوشن
مسئولیتی ، ایده جکری تشبثات و تکلیفاتی ای آکلاماری لازم کلیر . یوقسه
حاکمیت ، وینه مؤلفك دیدیکی وجه ایله ، عموم و فرد ایچون برتهلکه اولور .
(مونسکیو) نك دیدیکنه کوره دموقراسی ، خلق حکومتی ، اگر اجرای
فعل و تأیید بقا اساسلری افزایش ملتك فضائنده بوله ماز ایسه او حکومت دوام
ایده یز و طوتونه ماز . فوق العاده بر آدمك ظهوریله مملکت قورتلش اولماز .
بز تاریخمزه بویله آدملر کورمده دکل . فقط اونلرک انتقالیله مملکت اسکی
حالتده رجعت ایتدی . زیرا اهالیز یتشمه مش ، اولماش ایدی .

غایره له سه آی ، حریت سیاسیله اسارت اقتصادی نك بر آواده کیده میه جکنی ،
فردلر کی ، بر ملتك دخی وسائط حیاتی غائب ایده جکنه ترک حیات ایتمی
مرجع اوله جغنی بیان ایدیور .

بتون شوسوزلردن آکلادیمز بودر : بر ملت دموقراسی (خلق حکومتی)
حالتده یاشایه بیلک ایچون اونك افرادی همه حال فضیلت صاحبی اولمالی ؛
ومادامکه فرد یاشادیجی محیطك افکارینه ، باطل اعتقادلرینه ، احتراصلرینه
کوره مسلک اتخاذ ایدر ، دموقراسیده تربیه عمومی و خصوصیه فوق العاده
اعتنا ایدللی وینه مادامکه هرکشی کندینه ویریلن قدرتک ماهیتی آکلامق
مجبوریتنده در ، او حالده معارفه ای اساسلر قورمالی ؛ وکنلک ، مادامکه حریت
سیاسیه آنجی ، حریت اقتصادی ایله قازانیله بیلیر ، او حالده افراد ملت سمی
وعملی رهبر ایدیللی ، آیلقله کچینلرک مقداری حداصفرینسه ایتیلیر .
دیمک که مملکتیمزه خلق حکومتی وجوده کتیره بیلک ایچون اوچ
اساسه تمسک لازمدر :

- اولا — فضائل اخلاق ایچون تعصبدن عاری و حقیق بر (تربیه دینی) .
- ثانیاً — خلقده برادرک حاصل اوله بیلک ایچون (حریتی تربیه) .
- ثالثاً — سیاسی حریت ایچون (اقتصادی تربیه) .

شئون

هندستان :

بومبایده بر اسلوم سرکشی . — « بومبای قرونیکل » غزنه سنده
اوقوندیغنه کوره بومبایده خلافت قومیتسمی طرفندن هندستان و ممالک اسلامییه
معمولات و محصولات بر سرکشی ترتیب و رمضاتک یکرمی برنجی کونی رسم
کشادی اجرا ایدلشدر . رسم کشادده حاضر بولونقی اوزره هندستانك
اوزاق یرلردن برچوق مسلمان اکابر بومبایه کلشدر .

مراسمه قرآن کریمدن بر سوره تلاوتیله مباشرت ایدلشدر . قومیته نامه
ایراد ایدیلن نطقده سرکیدن مقصد اجنبی ملبوساتك استعماله نهایت ویره رک
مملکتده اعمال ایدیلن قاشلرله تلبس ایتک چاره لرینی تأمیندن عبارت اولدینی ،
بو مقصدك بوقوت کی تدبیرلرله استحصال ایدیله میه جکی . خلعک یالکیز

« خاری » نامی ویریلن یرلی قاشلره قناعت و رغبت ایتلری حصول مقصد
کافی اوله جغنی بیان ایدلشدر . حیدر آباددن دعوت مخصوصه ایله کلن محمد
علینک زوجسمی قومیته نك دعوتنه تشکر ایتدکن صوکره هندستان اهالیسنک
خارجدن کلن اشیایی مبابه ایتیه رک یالکیز یرلی قاشلر اکتسا ایتلری لازم
کله جکنی و آنجی بوصورتله اسارتدن قورتوله جقلرینی بیان ایتشدر . مولانا
قبراته آبادی دخی بومآله اوزون برخطبه ایراد ایتشدر .

نظفلر بیتدکن صوکره زوار سرکی دائره لرینی زیارت ایتشدر . خلیفه
حضرتلرینک هندستان اهالیسنه اهدا ایتش اولدولری سنجاق خصوصی
برصالونده تشهر ایدلش و زوارک بالخاصه سراق ودقتی دعوت ایتشدر .
آریجه برصالونده ولی سلمان افندیلر تجارتخانه سمی طرفندن آنقره صابونلری
نامی آلتنده تورک صابونلری تشهر ایدلشدر .

هند مسلمانلرینک رهبری . — هندستان غزنه لرنده وقوندیغنه کوره
هندولرله مسلمانلرک وحدتی خلال ایتیه ای استهداف ایدن بعض مناسبتسمز
وقایعک اوکنه کچیلرک هند وحدتی تقویه میه معطوف مساعی مشر
نتیجه لر ویرمهک باشلامش و بو صورتله اجنبی تشبثاتی عقیم قالمغه محکوم
ایدلشدر .

اساساً هندستانلیرک بوکیاست ودراتی کوستره جکلرندن امین
اولدیغمز . اولکی نسخه مزده ، اوراده کی وضعیتی تحلیل ایدرکن بیان
ایتشدک .

هر حالده هند وحدتی تأمین معطوف اولان مساعینک یاقین
بر زمانده قطعی ر موفقیته اقرارن ایتسمی قویاً مأمولدر .

افغانستان :

ترکیا - افغانه محادثتی مقفده . — « دهیلی تلغراف » غزنه سنک
سیاسی بخبری یازیور : افغانستانک ترکیا ایله مناسبات حاضرسمی دقتله تعقیبه
شایندر . تورکر افغانلیرله اولان مناسباتلرینی تقویه ایدیورلر . افغان اردوسی
یالکیز عشرت افرادندن مرکب ایسه ده بو اردونك ضابطلری چوقدر
وبوضاطلرک اکثریتی کنج تورک ضابطلیردر .

عراق :

فیصلک مرصد سیامتی — بصره دن (نایس) غزنه سنه یازیور :
عراق ملکی (فیصل) موصله عزیمت ایتشدر . بوندن آلتی آی
اول موصله تقویه قطعاتی کوندرلیدیکی کی فلسطین و سوریه محاربہ لرنده
بویوک یارارلقلر کوسترمش اولان فیصلک کوچوک برادری امیر زید
دخی اورایه کیتمشدی . موصلک شرق و جنوب شرقیسنده کی داغلق
اراضیده یاشایان عشرت رؤسای عراق حکومتنه قاشی عصیان
ایتشلردی . بونلردن شیخ محمود اسمعند برکورد رئیس تحریراً
استپان ایتش اولدیغندن بغدادده اقامت ایتک شرطیله عفو ایدیله جکدر .